

Rafiki yangu Coco

Ursula Nafula
Kiswahili





Nilipokuwa wa umri wa miaka
mitano, mjombangu alinipa
zawadi ya ajabu sana.

Zawadi ilikuwa ya mbwa mdogo
wa wiki tatu!

Siku mjomba aliniletea mbwa
huyo, nilifurahi sana.

Nilijua nimempata rafiki.


Baada ya kumweka chini,
mjomba alinigeukia na kuuliza,
“Utampa jina gani?

Nilimwangalia mbwa wangu
kishaa nikasema, “Coco.”

Mjombangu alishangaa sana.
Aliniuliza, “mbona unamwita
Coco?”

Nilisema, “Kwa sababu
anafanana kama koko.”





Nilimwuliza mjomba iwapo Coco alizaliwa pekee yake.

Mjomba alisema kwamba aliquwa na ndugu yake aliyemfanana kabisa.

Nilienda kumuona ndugu yake Coco.

Coco alipomwona nduguye,
alichangamka sana.

Wawili hao waliweka vichwa
vyao pamoja kana kwamba
wanaongea.





Nilimuuliza mjombangu kama
ningewaweka Coco na nduguye.

Mjomba alibaki kimya kidogo
kisha akasema, “Ni sawa wewe
kuwaweka wote wawili.”
Hata hivyo, alisema, “Lakini
lazima uwalinde vizuri.”

Kwa hivyo kila jioni, nilicheza
nao na kuwapeleka mazoezi.

Miezi michache baadaye, Coco
na nduguye walikuwa
wamekuwa wakubwa.

Walikuwa
wenye nguvu na wenyе afya.

Nami singeweza kuwachunga
pekee yangu tena.





Kwa hivyo nilimuuliza
mjombangu kumrudisha
nduguye Coco kwake.

Lakini Coco alipoachwa pekee
yake, alihuzunika mno.

Ilionekana kana kwamba
aliniuliza, “Kwa nini ulifanya
hivyo?”

Coco alikoma kucheza.

Wakati mwingine alikataa
kwenda nami matembezini.

Alipendelea tu kulala nje ya
nyumba yetu.

Wakati mwingine Coco alikula
chakula kidogo sana.

Nilikuwa na wasiwasi.

Nilijiuliza vipi ningeweza
kumsaidia Coco?



Halafu siku moja mjombangu alikuja kututembelea.

Niliposikia sauti yake, niliharakisha kutoka nje ya nyumba.

Kabla ya kumwona, nilisikia mbwa wakibweka...

Mbele yangu, Coco na nduguye
walikuwa wakicheza nyuma ya
jikoni!





Nilifurahi sana hadi sikujua
nimkumbatie nani kwanza, Coco
au mjombangu.

Nilijua kwamba Coco
angerejelea ile hali yake ya
kwaida kwa vile nduguye
alikuwa amerudi.

Tungeenda kukimbia wanjani
tena!

Rafiki yangu Coco

Writer: Ursula Nafula

Illustration: Ursula Nafula

Translated By: Ursula Nafula

Language: Kiswahili



© African Storybook Initiative, 2014



This work is licensed under a Creative Commons Attribution
(CC-BY) Version 3.0 Unported Licence

Disclaimer: You are free to download, copy, translate or adapt this
story and use the illustrations as long as you attribute or credit the
original author/s and illustrator/s.

Saide 
South African Institute
for Distance Education

www.africanstorybook.org
A Saide Initiative